



- SENAT -

Broj: 01-13-99/22

Sarajevo, 28. 09. 2022. godine

Na osnovu člana 61., a u vezi sa članom 76 i 103. (5) Zakona o visokom obrazovanju („Službene novine Kantona Sarajevo“, broj: 36/22) i člana 59. Statuta Univerziteta u Sarajevu, Senat Univerziteta u Sarajevu je na 50. sjednici održanoj 28. 09. 2022. godine, *donio* slijedeću

ODLUKU

I

Diplome i dodatke diplomama koje izdaje Univerzitet u Sarajevu za svršene diplomante, magistrante i doktorante koji će biti promovisani na Svečanoj promociji za akademsku 2021/2022. godinu štampat će se na B/H/S jeziku, uz izuzetak za studijske programe koji se izvode na engleskom jeziku.

II

Obavezuju se organizacione jedinice da pripreme prijevode varijabilnih dijelova teksta diplome i dodatka diplomama na engleski jezik zaključno sa 30. 11. 2022. godine.

III

Prevedeni tekst naziva nastavnih predmeta na engleski jezik dostavlja se Univerzitetском teleinformatičkom centru za unos u ISSS/eUNSA sistem.

IV

Prijevod teksta na javnim ispravama koji je jednoobrazan za sve organizacione jedinice izvršit će službe Rektorata Univerziteta u Sarajevu.

V

Ova odluka stupa na snagu danom donošenja.

Obrazloženje

Članom 103. Zakona o visokom obrazovanju („Službene novine Kantona Sarajevo“, broj: 36/22) utvrđena je obaveza izdavanja diploma, dodatka diplomama i uvjerenja o diplomiranju na jednom od zvaničnih jezika Bosne i Hercegovine i na engleskom jeziku, a što se uređuje opštim aktima visokoškolske ustanove. S obzirom na obavezu izdavanja diplome i dodatka diplome na engleskom jeziku, a uvažavajući činjenicu da na Univerzitetu u Sarajevu postoji veliki broj studijskih programa i nastavnih predmeta koje će biti neophodno prevesti na engleski jezik te unijeti u ISSS/eUNSA sistem, donesena je odluka kao u dispozitivu.

REKTOR

Prof. dr. Rifat Škrijetić



Dostavljeno:

- Organizacionim jedinicama UNSA
- Službi za nastavu UNSA
- U dokumentaciju Senata
- Arhivi